
BWRDD UCHELGAIS ECONOMAIDD GOGLEDD CYMRU

12.4.19

Yn bresennol:

Aelodau â Phleidlais – Y Cyngorwyr:- Hugh Evans (Cyngor Sir Ddinbych), Llinos Medi Huws (Cyngor Sir Ynys Môn), Gareth Jones (Cyngor Bwrdeistref Sirol Conwy), Mark Pritchard (Cyngor Wrecsam), Ian Roberts (Cyngor Sir y Fflint), Dyfrig L.Siencyn (Cyngor Gwynedd).

Ymgynghorwyr – Dafydd Evans (Grŵp Llandrillo Menai), Maria Hinfelaar (Prifysgol Glyndwr), Bryn Jones (Prifysgol Bangor), David Jones (Coleg Cambria), Ashley Rogers (Cyngor Busnes Gogledd Cymru a Merswy Dyfrdwy) a Sasha Davies (Bwrdd Cyflawni Busnes).

Prif Swyddogion - Marc Jones (Cyngor Sir Ynys Môn), Iwan Davies (Cyngor Bwrdeistref Sirol Conwy), Colin Everett (Cyngor Sir y Fflint), Judith Greenhalgh (Cyngor Sir Ddinbych) ac Ian Bancroft (Cyngor Wrecsam).

Swyddogion yn bresennol – Dafydd L. Edwards (Swyddog Adran 151), Iwan Trefor Jones (Cyfarwyddwr Arweiniol y Bwrdd), Iwan Evans (Swyddog Monitro), Nia Medi Williams (Uwch Swyddog Gweithredol) ac Eirian Roberts (Swyddog Cefnogi Aelodau).

Cadeiriwyd y cyfarfod gan yr Is-gadeirydd, y Cyngorydd Dyfrig Siencyn (Cyngor Gwynedd) gan fod y Cadeirydd, y Cyngorydd Aaron Shotton, wedi sefyll i lawr fel Arweinydd Cyngor Sir Fflint.

Nododd yr Is-gadeirydd y bu'n fraint cydweithio gyda'r Cyngorydd Aaron Shotton ac y byddai colled fawr ar ei ôl. Cytunwyd i anfon llythyr ato, ar ran aelodau'r Bwrdd, i ddiolch iddo am ei waith dros bobl Gogledd Cymru ac i ddymuno'n dda iddo i'r dyfodol.

Croesawyd y Cyngorydd Ian Roberts, Arweinydd newydd Cyngor Sir Fflint, i'w gyfarfod cyntaf o'r Bwrdd Uchelgais.

1. YMDDIHEURIADAU

Yr Athro Graham Upton (Prifysgol Bangor), Dr Gwynne Jones (Cyngor Sir Ynys Môn) a Dilwyn Williams (Cyngor Gwynedd).

2. DATGAN BUDDIANT PERSONOL

Ni dderbyniwyd unrhyw ddatganiadau o fuddiant personol.

3. MATERION BRYS

Dim i'w nodi.

4. COFNODION Y CYFARFOD BLAENOROL

Llofnododd y Cadeirydd gofnodion y cyfarfod blaenorol a gynhaliwyd ar 15 Mawrth, 2019 fel rhai cywir, yn ddarostyngedig i'r cywiriadau isod:-

Presenoldeb – nodi mai'r Dr Gwynne Jones, ac nid Marc Jones, oedd yn bresennol fel prif swyddog ar ran Cyngor Sir Ynys Môn.

Diweddariad ar raglen waith y Bwrdd Uchelgais Economaidd:-

- Nodi y bu i'r Grŵp Cyflawni Busnes bwysleisio pwysigrwydd cynnwys Twristiaeth Antur o fewn y prosiect Cyd-fenter Tir ac Eiddo Rhanbarthol.
- Nodi y bu i Gyngor Busnes Gogledd Cymru a Merswy Dyfrdwy bwysleisio pwysigrwydd sicrhau bod Adeiladwaith Carbon Isel yn rhan o'r prosiect Tir ac Eiddo.

5. DIWEDDARIAD AR RAGLEN WAITH Y BWRDD UCHELGAIS

Cyflwynwyd yr adroddiad gan Iwan Trefor Jones, Cyfarwyddwr Arweiniol.

PENDERFYNWYD

1. **Cymeradwyo statws RAG pob tasg o fewn y Rhaglen Waith, yn unol â'r adroddiad.**
2. **Dirprwyo'r awdurdod i'r Cyfarwyddwr Rhaglen, mewn ymgynghoriad â Chadeirydd ac Is-gadeirydd y Bwrdd Uchelgais i gytuno ar swydd ddisgrifiad a'r broses o benodi Rheolwr Rhaglen Ddigidol.**
3. **Ymrwymo hyd at £55,000 (yn amodol ar arfarniad swydd a llwyddiant y Cynllun Twf) o'r gyllideb "Cynllunio, Datblygu a Chefnogi Prosiectau" ar gyfer ariannu'r swydd Rheolwr Rhaglen Ddigidol am gyfnod o flwyddyn.**
4. **Cyflwyno adroddiad cynnydd chwarterol ar waith y Bwrdd i'r partneriaid unigol ar gyfer dibenion adrodd a chraffu y cyrff unigol**

RHESYMAU DROS Y PENDERFYNIAD

Diweddarau a chadw trosolwg ar gynnydd tasgau'r Rhaglen Waith.
Cymeradwyo proses penodi Rheolwr Rhaglen Digidol.
Er sicrhau llif gwybodaeth ar y prosiect i'r cyrff partneriaethol.

TRAFODAETH

Mynegwyd anfodlonrwydd a phryderon gan y sefydliadau addysg ynglŷn â'r drefn o flaenoriaethu cynlluniau. Nodwyd hefyd nad oedd y llythyrau at Nigel Adams, AS a Ken Skates, AC wedi eu rhannu gyda hwy cyn eu hanfon at y ddwy Lywodraeth. Tynnwyd sylw hefyd nad oedd logos yr holl bartneriaid ar y llythyrau hynny. Roeddent o'r farn bod hyn oll yn tansellio'r bartneriaeth a'u rôl hwythau fel ymgynghorwyr i'r Bwrdd.

Mewn ymateb, cadarnhaodd yr Is-gadeirydd nad oedd bwriad i danseilio unrhyw agwedd o'r bartneriaeth a bod y bartneriaeth yn hollol gyfartal. Cadarnhaodd hefyd na wnaed unrhyw benderfyniadau caled ynglŷn â chynlluniau unigol, a bod y cynlluniau wedi'u rhaglennu, yn hytrach na'u blaenoriaethu.

Eglurodd y Cyfarwyddwr Arweiniol fod llythyr wedi'i anfon at y ddwy Lywodraeth ers cyfarfod diwethaf y Bwrdd yn nodi y bydd y prosiectau yn cael eu rhaglennu. Yn ystod cyfarfod diwethaf y Bwrdd roedd cydnabyddiaeth bod rhai o'r prosiectau ar y blaen yn nhermau parodrwydd. Nodwyd bod 5 prosiect trawsnewidiol wedu eu hadnabod fel rhai fyddai yn barod ar gyfer y cam cyntaf: Prosiect Cysylltedd Digidol; Prosiect Cyd-fenter Tir ac Eiddo Rhanbarthol, Porth Caergybi; Prosiect Rhwydwaith Ynni Lleol Blaengar; Prosiect Gorsaf Bŵer Trawsfynydd. Cytunwyd y byddai'r 14 prosiect yn cael eu cynnwys o fewn Penawdau'r Telerau, gan eu cynnwys mewn 2 gam. Golyga "parod" fod y prosiectau yn bodloni profion (a) prawf cysyniadol, (b) deilliannau ac effaith, (c) buddsoddiad a buddsoddiad anuniongyrchol y sector breifat a (d) parodrwydd i gyflawni ar amser.

6. COFRESTR RISG

Cyflwynwyd yr adroddiad gan Iwan Trefor Jones, Cyfarwyddwr Arweiniol.

PENDERFYNWYD

- 1. Cymeradwyo ffurf a strwythur y Gofrestr Risg, a chytuno bod y risgiau a'r statws RAG (Coch, Ambr, Gwyrdd) sydd wedi'u cynnwys yn gywir ac yn ddigonol a bod y mesurau lliniaru sydd wedi'u nodi yn gymesur o ystyried y risgiau sydd wedi'u hadnabod.**
- 2. Adrodd yn chwarterol ar y risgiau i'r Bwrdd Uchelgais ac yn fisol i'r Grŵp Swyddogion Gweithredol.**

RHESYMAU DROS Y PENDERFYNIAD

Er mwyn gweithredu'n effeithiol, mae Cynllun Twf Gogledd Cymru angen Cofrestr Risg fanwl ar gyfer y cam Cynllunio a Datblygu.

Ystyrir bod adrodd yn chwarterol i'r Bwrdd Uchelgais yn ddigonol, gan y bydd yna adrodd yn fisol i'r Grŵp Swyddogion Gweithredol.

7. SEFYDLU IS-FWRDD TRAFNIDIAETH

Cyflwynwyd yr adroddiad gan Iwan Evans, Swyddog Monitro.

PENDERFYNWYD

- 1. Penodi is-fwrdd Cyflawni Trafnidiaeth gyda'r Rôl a'r Cylch Gorchwyl wedi'u hamlinellu yn Atodiad 1 i'r adroddiad.**
- 2. Penodi Arweinydd Cyngor Sir Fflint, y Cynghorydd Ian Roberts, i weithredu fel aelod cyswllt gyda'r is-fwrdd Cyflawni Trafnidiaeth.**

RHESYMAU DROS Y PENDERFYNIAD

Yn sgil dechrau Cytundeb Llywodraethu Un ("GA1") a sefydlu'r Bwrdd Uchelgais Economaidd fel Cyd-bwyllgor sy'n gwneud penderfyniadau, mae angen penderfyniad ffurfiol y Bwrdd Uchelgais er mwyn penodi is-bwyllgor.

8. BWRDD CYFLAWNI BUSNES

Cyflwynwyd yr adroddiad gan Iwan Trefor Jones, Cyfarwyddwr Arweiniol.

PENDERFYNWYD

- 1. Gohirio penderfyniad ar y mater hwn hyd oni fydd canlyniad yr ymgynghoriad â Llywodraeth y DU a Llywodraeth Cymru ar y bwriad yn hysbys.**
- 2. Bod y trafodaethau gyda'r Llywodraethau i gychwyn ar sail yr adroddiad a gyflwynwyd i'r Bwrdd Uchelgais.**
- 3. Rhoi sylw i'r materion canlynol wrth ddarparu drafft pellach o'r adroddiad:-**
 - (i) Rôl Cyngor Busnes Gogledd Cymru a Merswy Dyfrdwy;**
 - (ii) Atebolrwydd Cadeirydd y Bwrdd Cyflawni Busnes;**
 - (iii) Yr angen i symleiddio rôl a chyfrifoldebau arfaethedig y Bwrdd;**
 - (iv) Pryder bod galwadau cynyddol ar fusnesau i gymryd rhan mewn trefniadau cyffelyb;**
 - (v) Materion cyllidol**

RHESYMAU DROS Y PENDERFYNIAD

Er mwyn cael eglurder ynglŷn â materion penodol a godwyd cyn rhoi'r Bwrdd Cyflawni Busnes ar sylfaen ffurfiol fel rhan o strwythur datblygol y prosiect.

TRAFODAETH

Cyflwynwyd adroddiad llafar gan Sasha Davies ar gyfarfod o'r Bwrdd Cyflawni Busnes a gynhaliwyd y diwrnod cynt lle pwysleisiwyd yr angen am eglurder ar rai materion, sef atebolrwydd Cadeirydd y Bwrdd Cyflawni Busnes, yr angen i symleiddio rôl a chyfrifoldebau arfaethedig y Bwrdd, pryder bod galwadau cynyddol ar fusnesau i gymryd rhan mewn trefniadau cyffelyb a rhai materion cyllidol, megis trefniadau cydnabyddiaeth ariannol ar gyfer Cadeirydd y Bwrdd. Derbyniodd Ashley Rogers fod angen adnabod a diffinio rôl Cyngor Busnes Gogledd Cymru a Merswy Dyfrdwy â'r disgwyliadau ganddynt hwy hefyd, a nododd fod ganddo awgrymiadau ynglŷn â sut i gyfarch hyn.

9. PAPUR GWYN LLYWODRAETH CYMRU - GWELLA TRAFNIDIAETH GYHOEDDUS

Cyflwynwyd yr adroddiad gan Iwan Trefor Jones, Cyfarwyddwr Arweiniol.

PENDERFYNWYD derbyn yr adroddiad cryno ar gynigion Llywodraeth Cymru i Wella Trafnidiaeth Gyhoeddus a'r ymateb i'r ymgynghoriad ar y Papur Gwyn, sydd wedi'i atodi i'r adroddiad.

RHESYMAU DROS Y PENDERFYNIAD

Er mwyn rhoi hysbysu'r Bwrdd o'r ymateb rhanbarthol sydd wedi'i gyflwyno.

10. ADOLYGIAD(AU) BARGEN DDINESIG BAE ABERTAWA (SBCD)

Cyflwynwyd yr adroddiad gan Iwan Trefor Jones, Cyfarwyddwr Arweiniol.

PENDERFYNWYD

- 1. Derbyn yr adroddiad ar yr argymhellion sydd yn y ddau adroddiad adolygiad, "Adolygiad Annibynnol o Fargen Ddinesig Bae Abertawe" ac "Adolygiad Mewnol o Drefniadau Llywodraethu Bargaen Ddinesig Bae Abertawe.**
- 2. Nodi'r asesiad RAG (Red, Green, Amber) o statws Cynllun Twf Gogledd Cymru yn erbyn bob un o'r argymhellion.**

RHESYMAU DROS Y PENDERFYNIAD

1. Er mwyn i'r Bwrdd Uchelgais ddeall casgliadau ac argymhellion yr Adroddiad(au).
2. Er mwyn Bwrdd Uchelgais ganolbwyntio ar y gwersi a ddysgwyd o'r gwelliannau a awgrymir o fewn yr Adroddiad(au) er mwyn gallu bwrw ymlaen â Chynllun Twf Gogledd Cymru.
3. Er mwyn asesu sefyllfa'r Bwrdd Uchelgais yn erbyn yr argymhellion a'r casgliadau sydd yn yr Adroddiad(au).

TRAFODAETH

Nodwyd nad oedd rhai o'r argymhellion hyn wedi'u derbyn a'u bod i'w hystyried ymhellach yn rhanbarth Bae Abertawe.

Dechreuodd y cyfarfod am 11.00yb a daeth i ben am 1.05yp.

